

Ed.

417. Frumvarp til laga

[173. mál]

um breyting á lögum nr. 7 29. apríl 1963, um tollskrá o. fl.

(Lagt fyrir Alþingi á 85. löggjafarþingi, 1964—65.)

1. gr.

Á tollskránni í 1. grein laganna eru gerðar þessar breytingar:

1.	08.04	21	orðist svo:		
		21	Rúsinur		25%
2.	08.06		orðist svo:		
	08.06		Epli, perur eða kveður, nýtt:		
		10	<i>Epli</i>		15%
		20	<i>Perur og kveður</i>		15%
3.	08.12	01	orðast svo:		
	08.12	01	Sveskjur		25%
4.	15.07	81	orðist svo:		
	15.07	81	<i>Sojabaunaolia</i>		10%
5.	15.07	82	orðist svo:		
	15.07	82	<i>Baðmullarfræsolia</i>		10%
6.	18.06		Hér komi inn nýtt númer, svo hljóðandi:		
		02	Nougatmassi í 10 kg blokkum og stærri		70%
7.	19.05	00	orðist svo:		
	19.05	00	Neyzluvörur úr uppbólgnuðu eða steiktu korni eða kornvörum, svo sem „puffed rice“, „corn flakes“ eða þess konar vörur		50%
8.	20.07	09	orðist svo:		
		09	Annar		60%
9.	21.07		Hér komi inn nýtt númer, svo hljóðandi:		
		05	Hálftilreidd kornvara		50%
10.	39.07		Hér komi inn tvö ný númer, svo hljóðandi:		
		67	Mjólkurumbúðir, eftir nánari skýrgreiningu og ákvörðun fjármálaráðuneytisins		20%
		68	Smávarningur og annað þess háttar, úr plasti, til að búa, slá eða leggja með ýmsa hluti, snagar, fatahengi, hilluhné og annað þess háttar		70%
11.	58.02	00	orðist svo:		
	58.02		Önnur gólfteppi (þar með taldir gólfreglar og mottur), einnig fullgerð, kelfm-, sumak-, karamaniteppi og önnur svipuð teppi, einnig fullgerð:		
		01	Gólfteppi úr plasti án vefnaðar		60%
		09	Önnur		90%
12.	64.01	01	orðist svo:		
		01	Vaðstígvél með lágum hæl (ekki ætluð utan yfir aðra skó), eftir nánari skýrgreiningu og ákvörðun fjármálaráðuneytisins		25%
13.	73.22	00	orðist svo:		
	73.22		Geymar, ker og önnur slík stór flát, úr járn eða stáli, með yfir 300 lítra rúmtaki, undir alls konar efni, einnig klædd að innan og hitaeinangruð, en ekki með mekanískum búnaði eða hitunarbúnaði:		
		01	Tankar úr ryðfriú stáli sérstaklega fyrir mjólk, eftir nánari skýrgreiningu og ákvörðun fjármálaráðuneytisins		25%
		09	Annað		50%

14.	73.29	09	orðist svo:		
		09	Aðrar		35%
15.	Í stað	84.01	00 til 84.65	09 komi:	
	84.01	00	Katlar til framleiðslu á vatnsgufu eða annarri gufu (gufu- katlar), þó ekki vatnsmiðstöðvarkatlar, sem einnig geta fram- leitt gufu með lágum þrýstingi		25%
	84.02	00	Hjálpartæki við vatnsgufukatla og aðra gufukatla (t. d. for- hitarar, yfirhitarar, gufugeymar, sótblásarar); eimsvalar (condensers) við gufuvélar		25%
	84.03	00	Tæki til framleiðslu á loftgasi, vatnsgasi og acetylgasi (með vatnsaðferð) og önnur svipuð tæki til gasframleiðslu, einnig með hreinsitækjum		25%
	84.04	00	Gufuvélar með sambyggðum katli (þar með taldir gufu- vagnar, en ekki gufudráttarvélar í nr. 87.01 né vélknúnar vegþjöppur)		25%
	84.05	00	Gufuvélar án ketils		25%
	84.06		Brunahreyflar með bullu:		
		10	Flugvélahreyflar		0
			Aðrir:		
		21	Benzínhreyflar og aðrir hreyflar með neistakveikju		35%
		22	Dísilhreyflar og hreyflar með þrýstikveikju, 200 hestöfl eða stærri		10%
		23	Dísilhreyflar og hreyflar með þrýstikveikju, minni en 200 hestöfl		35%
		24	Hlutar til hreyfla, sem teljast til nr. 84.06, þó ekki til flugvélahreyfla		35%
		29	Annars		35%
	84.07	00	Vatnshjól, vatnshverflar og aðrar vatnsknúnar aflvélar, ásamt tilheyrandi gangráðum (regulators)		35%
	84.08		Aðrar aflvélar og hreyflar:		
		10	Flugvélahreyflar		0
			Gashverflar (turbins) fyrir annað en flugvélar:		
		21	Gashverflar til bifreiða		35%
		29	Annars		35%
			Aðrar:		
		31	Aflvélar og hreyflar til bifreiða, ót. a.		35%
		39	Annars		35%
	84.09	00	Sjálfnúnar vegþjöppur		25%
	84.10		Vökvadælur (þar með taldar hreyfidælur og hverfidælur), einnig með tilheyrandi mælum; vökvalyftur, sem vinna með skóflum, keðjum, sniglum, böndum og öðru þess háttar:		
		01	Sildardælur, eftir nánari skýrgreiningu og ákvörðun fjár- málaráðuneytisins		4%
		09	Annað		35%
	84.11		Loftdælur, undirþrýstingsdælur, loft- og gasþjöppur (þar með taldar hreyfildælur og hverfildælur, hreyfilþjöppur, hverfil- þjöppur og lausabullþjöppur fyrir gashverfla), rellur, blásarar og annað þess háttar:		
		01	Heyblásarar, eftir nánari skýrgreiningu og ákvörðun fjár- málaráðuneytisins		10%
		09	Annað		35%
	84.12	00	Loftjöfnunartæki sambyggð, gerð með hreyfildrifinni rellu og útbúnaði til að breyta rakainnihaldi og hitastigi loftsins		35%
	84.13	00	Brennarar fyrir fljótandi eldsneyti (úðarar), fyrir malað fast		

		eldsneyti og gas; vélkyndarar (mechanical stokers), vélristar (mechanical grates), mekanísk öskuhreinsunartæki og annar svipaður útbúnaður	35%
84.14	00	Ofnar fyrir iðnaðar- og rannsóknarstofur (þó ekki rafmagns- ofnar)	25%
84.15		Kælisrápar, tæki og vélar til kælingar og frystingar, útbúið fyrir rafmagn eða á annan hátt: <i>Kæli- og frystivélar og samstæður, aðrar en þær, sem einkum eru til heimilisnotkunar:</i>	
	11	Afgreiðsluborð og sýningarskápar fyrir verzlaniir og varahlutir í þau	35%
	12	Kæli- og frystivélasamstæður aðrar	15%
	19	Hlutar til kæli- og frystivélasamstæðna ót. a.	15%
	20	<i>Kælitæki, einkum til heimilisnotkunar, ekki rafmagnsknúin</i>	80%
		<i>Kælitæki, einkum til heimilisnotkunar, rafmagnsknúin:</i>	
	31	Kælitæki	80%
	39	Varahlutir í kælitæki (þó ekki fylgihlutir), eftir nánari skýrgreiningu og ákvörðun fjármálaráðuneytisins	50%
84.16	00	Sléttipressur (calendering machines) og aðrar svipaðar vals- vélar (þó ekki slíkar vélar til vinnslu málma og glers), einnig valsar til þeirra	35%
84.17		Vélar, tæki og vélasamstæður til rannsóknarstofa, einnig með rafmagnsupphitun, til vinnslu á efnnum með aðferðum, sem fela í sér hitabreytingu, t. d. með upphitun, suðu, stíknun, eimingu, hreinsun, dauðhreinsun, pasteurhitun, eimvæting, þurrkun, uppgufun, gufugerð, þéttingu eða kælingu (þó ekki slíkar vélar til heimilisnotkunar); hrað- eða geymavatnshitarar, sem ekki eru gerðir fyrir rafmagn: <i>Vélar, tæki og vélasamstæður (aðrar en þær, sem teljast til nr. 84.17.20):</i>	
	11	Eimarar og þéttar til kæli- og frystivéla	15%
	12	Vélar til fiskiðnaðar og hvalvinnslu	15%
	13	Mjólkurvinnsluvélar (þó ekki skilvindur)	25%
	14	Kaffihitarar og önnur tæki til veitingarekstrar	35%
	19	Annað	35%
	20	<i>Hrað- eða geymavatnshitarar, einkum til heimilisnotkunar, ekki fyrir rafmagn</i>	35%
84.18		Skilvindur; vélar og tæki til síunar og annarrar hreinsunar á vökvum og lofttegundum (þó ekki síunartrehtar, mjólkursíur og annað þess háttar): <i>Mjólkurskilvindur:</i>	
	11	Mjólkurskilvindur, einkum til heimilisþarfa	20%
	19	Aðrar	25%
		<i>Annað:</i>	
	21	Þeytivélar til þurrkunar á þvotti, einkum til heimilis- notkunar	80%
	22	Aðrar þeytivélar til þurrkunar á þvotti	35%
	23	Lýsissskilvindur	10%
	24	Varahlutir (þó ekki fylgihlutir) í vélar þær og tæki, sem falla undir nr. 84.18.21, eftir nánari skýrgreiningu og ákvörðun fjármálaráðuneytisins	50%
	29	Annars	35%

84.19	Vélar og tæki til hreinsunar og þurrkunar á flöskum og öðrum flátum; vélar og tæki til að fylla á, loka og líma einkennismiða á flöskur, dósir, öskjur, poka og önnur flát; aðrar umbúðavélar og tæki; vélar og tæki til blöndunar kolsýru í drykkjarvörur; uppþvottavélar:	
	01 Uppþvottavélar, einkum til heimilisþarfa	80%
	02 Aðrar uppþvottavélar	35%
	03 Varahlutir (þó ekki fylgihlutir) í uppþvottavélar, eftir nánari skýrgreiningu og ákvörðun fjármálaráðuneytisins	50%
	09 Annað	25%
84.20	00 Vogir, þar með taldar talnings- og eftirlitsvogir (þó ekki vogir, sem eru svo nákvæmar, að þær vegi 5 cg eða minna); vogarlóð alls konar	35%
84.21	00 Mekanísk tæki (einnig handdrifin) til dreifingar, sprautunar og úðunar á vökvum og dufti; slökkvitæki, einnig með fyllingum, úðabyssur og önnur svipuð áhöld; sand- og gufublásarar og svipaðar blástursvélar	25%
84.22	Vélar og tæki til lyftingar, hleðslu, losunar og flutnings (t. d. lyftur, lyftivindur, kranar, tjakkar, taliur, þráðbrautir og færribönd), að undanskildum vélum þeim og tækjum, er teljast til nr. 84.23:	
	01 Kraftblakkir til fiskiskipa, eftir nánari skýrgreiningu og ákvörðun fjármálaráðuneytisins	4%
	02 Vindur sérstaklega til skipa, ót. a.	20%
	03 Lyftikranar	25%
	04 Lyftur til vöru- og mannflutninga	50%
	05 Heyblásarar (til að færa til hey), eftir nánari skýrgreiningu og ákvörðun fjármálaráðuneytisins	10%
	09 Annað	35%
84.23	Vélar og tæki til graftar, námuvinnslu, grjótnáms og annars þess háttar, fastar eða færarlegar (t. d. kolanámuvélar, vélskóflur, jöfnunarvélar og jarðýtur); fallhamrar; snjóplógar (þó ekki þeir snjóplógar, sem eru sjálfknúin ökutæki):	
	01 Grafvélar og vélskóflur	25%
	02 Jarðýtur	25%
	03 Vegheflar	25%
	04 Ámoksturæki við almennar hjóladráttarvélar, eftir nánari skýrgreiningu og ákvörðun fjármálaráðuneytisins ..	10%
	09 Annað	25%
84.24	Landbúnaðar- og garðyrkjuvélar til vinnslu jarðvegs og ræktunar (t. d. plógar, herfi, diska- og fjaðraherfi, sáningsvélar og áburðardreifingar); valtarar fyrir tún og íþróttavelli:	
	01 Plógar	10%
	02 Herfi	10%
	03 Áburðardreifingar	10%
	09 Annað	10%
84.25	Uppskeruvélar og þreskivélar; hálm- og fóðurpressur; sláttuvélar (þar með taldar handsláttuvélar); vélar til hreinsunar á fræi, korni og belgávöxtum, einnig ávaxtaflokkunarvélar, eggjaflokkunarvélar og aðrar flokkunarvélar við landbúnaðarframleiðslu (þó ekki mölunarvélar, er teljast til nr. 84.29):	
	01 Garðsláttuvélar (þar með handsláttuvélar)	35%
	02 Aðrar sláttuvélar	10%

	03	Upptökuvélar fyrir kartöflur og aðra garðávexti	10%
	04	Rakstrar- og snúningsvélar	10%
	05	Flokkunarvélar	25%
	09	Annað	10%
84.26		Mjólkurbúsvélar og mjaltavélar:	
	01	Mjaltavélar	10%
	02	Mjólkurvinnsluvélar	25%
	09	Aðrar	25%
84.27	00	Pressur, marningsvélar og aðrar vélar og tæki til notkunar við framleiðslu á víni, vindrúfnasafa, öðrum ávaxtasafa og öðru þess háttar	25%
84.28	00	Aðrar vélar og tæki til landbúnaðar, garðyrkju, alifuglaræktar og býflugnaræktar; spírunartæki með mekanískum útbúnaði eða útbúnaði til upphitunar; útungunarvélar og ungamæður	25%
84.29	00	Vélar og tæki til brauðkornsmölunar og aðrar vélar og tæki til vinnslu á korni og belgávöxtum (þó ekki vélar og tæki, er talizt geta landbúnaðartæki)	25%
84.30		Vélar og tæki, sem ekki teljast til einhvers annars númers þessa kafla, til notkunar við framleiðslu mat- og drykkjarvara (í brauðgerðarhúsum, brauðverksmiðjum, kexverksmiðjum, makkaróniverksmiðjum, súkkulaðiverksmiðjum, sykurverksmiðjum, súkkulaði- og sykurvöruverksmiðjum og ölgerðum; einnig til vinnslu á kjöti, fiski, ávöxtum og grænmeti, þar með taldar hakkavélar og skurðvélar):	
	01	Vélar og tæki til brauð- og kexgerðar	25%
	02	Vélar og tæki til súkkulaði- og sykurvöruverðar	25%
	03	Vélar og tæki til kjötvinnslu	25%
	04	Vélar og tæki til drykkjarvöruverðar	25%
	05	Flökkunarvélar, flatningsvélar og hausskurðarvélar til vinnslu á fiski	10%
	09	Aðrar	25%
84.31	00	Vélar og tæki til framleiðslu og vinnslu á pappírmassa, pappír og pappa	25%
84.32	00	Bókbandsvélar (þar með taldar saumavélar til að hefta bækur)	25%
84.33	00	Pappírs- og pappaskurðarvélar; aðrar vélar til vinnslu á pappírmassa, pappír og pappa	25%
84.34		Vélar, tæki og áhöld til að steypa og setja prentletur; vélar til framleiðslu og eftirvinnslu á prentmyndamótum, prentplötum og prentvölsum (þó ekki verkfæri, er teljast til nr. 84.45, 84.46 og 84.47); prentletur, matrixur, prentmyndamót, prentplötur, prentvalsar og annað þess háttar; litógrafisteinar, plötur og valsar undirbúnir til grafískrar notkunar (t. d. sléttað, kornað eða fagað):	
	01	Setningarvélar og vélar til framleiðslu og eftirvinnslu á prentmyndamótum, prentplötum, prentvölsum og þess háttar	25%
	02	Prentletur, matrixur og tilheyrandi	25%
	03	Prentmyndamót, prentplötur, prentvalsar og þess háttar	25%
	04	Litógrafisteinar, plötur og valsar, undirbúnir til grafískrar notkunar	25%
	09	Annað	25%
84.35	00	Aðrar prentvélar og hjálparvélar þeim tilheyrandi	25%
84.36	00	Vélar til pressunar (extrusion) á tilbúnum spunatrefjum; vél-	

	ar til vinnslu á spunaefnum, náttúrlegum og tilbúnum; spuna- og tvinningarvélar og spólunar- og hespunarvélar	25%
84.37	Vefstólar, prjónavélar og vélar til framleiðslu á yfirspunnum þræði, tylli, laufaborðum og knipplingum, útsaumi, possementi og netefnum; vélar til vinnslu á garni til notkunar í slíkum vélum (þar með taldar skurðarvélar og sléttunarvélar):	
	01 Prjónavélar	25%
	09 Aðrar	25%
84.38	00 Hjálparvélar og hjálpartæki til notkunar við vélar þær, er teljast til nr. 84.37 (t. d. skeftivélar, Jacquard-vélar, sjálfvirk tæki til stýringar á uppistöðu- og ívafsþráðum, skyttuskiptingarvélar); hlutar og tæki, er eingöngu eða aðallega heyra til og eru notuð við vélar þær, er teljast til þessa númeris eða nr. 84.36 og 84.37 (t. d. snældur (spindles) og snælduleggir (spindle flyers), kambar, spunamunnstykki, skyttur, höföld og nálar í prjónavélar)	25%
84.39	00 Vélar og tæki til framleiðslu og snyrtingar á flóka í metramáli og af annarri lögun (þar með taldar vélar og mót til framleiðslu á höttum)	25%
84.40	Vélar og tæki til að þvo, hreinsa, þurrka, bleikja, líta, steina, gegndreyppa og að snyrta á annan hátt spunagarn, spunaefni og vörur úr hvoru tveggja (þar með fataþvottavélar og fatahreinsunarvélar); vélar til að brjóta saman, vinda upp og sníða spunavörur; vélar til að bera efni á spunavörur eða annað undirlag við framleiðslu á línóleum og öðrum gólfdukk; vélar til að prenta á spunavörur, leður, veggfóður, umbúðapappír, línóleum og annars konar efni, endurtekin tákni eða stafi, eða líta allt yfirborð þeirra (þar með taldar grafnar plötur og valsar í slíkar vélar):	
	<i>Vélar og tæki önnur en þau, er teljast til nr. 84.40.20:</i>	
	11 Fataþvottavélar (þar með taldar fatahreinsunarvélar), þó ekki til heimilisnotkunar	35%
	12 Strokvélar, einkum til heimilisnotkunar	80%
	13 Aðrar strokvélar	35%
	14 Varahlutir (þó ekki fylgihlutir) í vélar, sem teljast til nr. 84.40.12	50%
	19 Annars	25%
	<i>Fataþvottavélar, einkum til heimilisnotkunar:</i>	
	21 Fataþvottavélar	80%
	29 Varahlutir í þær	50%
84.41	00 Saumavélar; húsgögn sérstaklega útbúin fyrir saumavélar; saumavélanálar	25%
84.42	00 Vélar og tæki (þó ekki saumavélar) til snyrtingar, sútunar og vinnslu á húðum og skinnnum og til framleiðslu á vörum úr leðri og skinni (þar með talinn skófataður)	25%
84.43	00 Málmbræðsluofnar (converters), bræðslusleifar (ladles), hrájárnsteypumót (ingot moulds) og steypuvélar, þeirra tegunda, sem notaðar eru í málmvinnslu og við málmsteypu ..	25%
84.44	00 Völsunarvélar til að valsa málma, einnig valsar til þeirra ..	25%
84.45	00 Vélar til smíða úr málmum og málmkarbídum (þó ekki vélar, er teljast til nr. 84.49 og 84.50)	25%
84.46	00 Vélar til vinnslu og smíða úr steini, brenndum leir, steinsteypu, asbestsementi og öðru svipuðu efni, þar með talið gler í köldu ástandi (þó ekki vélar, er teljast til nr. 84.49) ..	25%

84.47	Vélar til smíða úr trjáviði, korki, beini, harðgúmmi, harðplasti og öðru efni svipaðrar hörku (þó ekki tæki, er teljast til nr. 84.49.00):	
	01 Trésmíðavélar	25%
	09 Aðrar	25%
84.48	00 Hlutar og hjálpartæki þess konar, sem eingöngu eða aðallega heyra til og eru notuð við vélar þær, er teljast til nr. 84.45—84.47 (þar með taldar efnis- og verkfærafestingar, sjálfopnandi skrúfugangsskurðhöfuð, deilihöfuð og önnur tæki, er heyra smíðavélum til); verkfærafestingar fyrir hvers konar handverkfæri, vélknúin eða ekki	25%
84.49	00 Handverkfæri þrýstiloftknúin og handverkfæri með innbyggðum hreyfli, sem er ekki rafmagnshreyfill	25%
84.50	00 Vélar og tæki, sem nota gas til suðu, kveikinga, skurðar og herzlu á málum	25%
84.51	00 Ritvélar (þó ekki sambyggðar reikni- og ritvélar); tékka-ritvélar	60%
84.52	Reiknivélar, bókhaldsvélar, stimpilpeningakassar, frimerkjavélar, aðgöngumiðavélar og aðrar svipaðar vélar, sem eru með reikniútbúnaði:	
	01 Bókhaldsvélar	60%
	02 Reiknivélar	60%
	03 Fételjarar (stimpilpeningakassar)	60%
	09 Aðrar	60%
84.53	00 Skýrsluvélar, sem starfræktar eru með gataspjöldum (t. d. röðunarvélar, rafreiknar og töflugerðarvélar); vélar til reikningshalds, sem starfræktar eru með gataspjöldum; hjálparvélar slíkra véla (t. d. götunarvélar o. þ. h.)	60%
84.54	Aðrar vélar og tæki til notkunar í skrifstofum (t. d. fjölrítunarvélar, bréfaáritunarvélar, myntteljarar, myntsundurgreiningarvélar, myntpökkunarvélar, vélar til að ydda blýanta, götunarvélar og heftivélar):	
	01 Áritunarvélar og fjölrítarar	60%
	09 Annað	60%
84.55	Hlutar og hjálpartæki (þó ekki hlífðarhylki, umbúðakassar og annað þess háttar), sem einvörðungu eða aðallega er hægt að nota til véla og tækja, er teljast til nr. 84.51, 84.52, 84.53 og 84.54:	
	01 Til ritvéla	60%
	09 Annað	60%
84.56	Vélar og tæki til sundurgreiningar, sáldunar, þvotta. mólunar og blöndunar á mold, steinum, málmgrýti og öðrum föstum steinefnum, einnig þótt þau séu sem duft eða deig; vélar og tæki til að pressa eða móta fast eldsneyti, efni í leirvörur, óharðnað sement, gips og önnur steinefni í duft- eða deigformi; vélar til framleiðslu á steypumótum úr sandi:	
	01 Steypuhrærivélar	25%
	09 Annað	25%
84.57	00 Vélar og tæki til framleiðslu og vinnslu á gleri og glervörum í heitu ástandi; vélar til að setja saman rafvíra- og úrhleðslulampa og rafagnalampa og svipaðar pípur og loka ..	25%
84.58	00 Sjálfsalar (t. d. fyrir frimerki, vindlinga, súkkulaði og matvörur), sem ekki eru leiktæki eða happdrætti	40%
84.59	Vélar, tæki og mekanísk áhöld (þó ekki þau, sem eingöngu	

eða aðallega eru notuð sem hlutar af öðrum vélum og verkfærum), sem teljast ekki til neins annars númers í þessum kafla:

10	<i>Kjarnorkuofnar</i>	25%
	<i>Annað:</i>	
21	Til matvælaíðnaðar, ót. a.	25%
22	Til efnaiðnaðar, ót. a.	25%
23	Til járn- og annars málmíðnaðar, ót. a.	25%
24	Til mannvirkjagerðar, ót. a.	25%
28	Stýrisvélar til skipa	4%
29	Annars	25%
84.60	00 Mótakassar til málmsteypu; steypumót fyrir málma (þó ekki hrájárnssteypumót), málmkarbída, gler, steinkennd efni (t. d. leirdeig og steinsteypu), gúmmí og plast	25%
84.61	Hanar, lokar og annað þess háttar, er heyrir pípuleiðslum, kötlum, geymum og öðru svipuðu til (þar með taldir þrýstiléttar og hitastilltir lokar):	
	01 Brunahanar	35%
	02 Blöndunartæki, samsett og ósamsett og lausir hlutar til þeirra	60%
	09 Annað	35%
84.62	00 Kúlu-, kefla- og nálaleg	20%
84.63	Drifásar, sveifarásar, leghús, ásleg, tannhjól og tannhjólasmstæður (þar með talin núningshjól, hjólahús (gear-boxes) og önnur tæki fyrir breytilegan snúningshraða), kashjól, reimhjól, sambyggð reimhjól, tengsl og ástengsl:	
	01 Til flugvéla	0
	02 Skrófuásar, skrófuáspéttar, skutpípur, skutpípufóðringar, heil hjólahús (marinegear, complete) og skiptiskrófubúnaður til notkunar með aflvélum skipa, enda heri hver slíkur hlutur það með sér, að hann sé ætlaður til þeirra nota	4%
	09 Annað	35%
84.64	00 Þéttingar og annað þess háttar úr málmplötum í sambandi við annað efni (t. d. asbest, flóka eða pappa) eða úr lögum af málmþynnum; samstæður eða úrval af þéttingum af mismunandi gerðum í vélar, pípnatengingar og annað þess háttar í pokum, hylkjum eða öðrum svipuðum umbúðum	35%
84.65	Hlutar til véla, tækja og áhalda, ekki búnir rafmagnstenglum, einöngurum, spólum, snertum eða öðrum rafmagnsbúnaði, enda teljast þeir ekki til einhvers annars númers þessa kafla:	
	01 Skipsskrúfur	4%
	09 Aðrir	35%
16.	85.11 00 orðist svo:	
	85.11 00 Rafbræðslu- og hitunarofnar til notkunar í iðnaði eða á tilraunastofum; tæki til upphitunar efna með spani eða torleiði; rafsúðu-, raflóðningar- og rafskurðarvélar og -tæki	25%
17.	87.07 00 orðist svo:	
	87.07 00 Alls konar vagnar með hreyfli þeirrar gerðar, sem notaðir eru í verksmiðjum, vörugeymslum og við hafnir til flutninga stuttar vegalengdir, til hleðslu og annars þess konar á vörum (t. d. gaffallyftarar); dráttarvagnar þeirrar gerðar, sem notaðir eru á járnbrautarstöðvum; hlutar til þessara ökutækja	25%

2. gr.

12. liður 3. gr. Í stað orðanna „að lækka“ í upphafi 12. liðar 3. gr. komi: að lækka eða endurgreiða.

27. liður 3. gr. Í stað orðanna „á allt að 150 bifreiðum árlega“ í 27. lið 3. gr. komi: á allt að 250 bifreiðum árlega.

Á eftir 1. mgr. 27. liðs 3. gr. komi ný málsgrein, svo hljóðandi:

Enn fremur er ráðuneytinu heimilt að lækka eða fella niður gjöld á allt að 50 bifreiðum árlega fyrir sama fólk og um getur í 1. mgr., til endurveitinga á áður veittum eftirgjöfum.

Á eftir 39. lið 3. gr. laganna komi nýr liður, svo hljóðandi:

40 Að endurgreiða gjöld af rúmum, sem ekki eru með mekanískum útbúnaði, sem flutt eru inn til notkunar í sjúkrahúsum, sem svari því að af rúmum þessum sé greiddur 35% verðtollur.

3. gr.

Við 16. gr. bætist ný málgrein, svo hljóðandi:

Nú verður ákveðið í lögum, að hver einstaklingur og hvert fyrirtæki skuli hafa auðkennisnúmer, og er fjármálaráðuneytinu þá heimilt að mæla svo fyrir, að sérhver innflytjandi skuli tilgreina númer sitt á aðflutningsskýrslu, og að skjöl skuli ekki tekin til tollmeðferðar, nema þessari skyldu sé fullnægt. Jafnframt getur fjármálaráðuneytið ákveðið, að tolyfirvald geti krafizt þess af innflytjanda, að hann framvísi skirteini til sönnunar því, að rétt númer sé tilgreint á aðflutningsskýrslu.

4. gr.

Lög þessi öðlast þegar gildi.

Athugasemdir við lagafrumvarp þetta.

Hinn 12. desember 1963 skrifaði fjármálaráðherra tollskrárnefnd svo hljóðandi bréf:

„Það er og hefur verið stefna núverandi ríkisstjórnar að hafa gjöld á innfluttum vélum og öðrum tækjum til atvinnuveganna eins lág og fjárhagur ríkissjóðs frekast leyfir. Í samræmi við það var með setningu nýrra tollskrárlaga á síðasta vori ákveðin veruleg lækkun á tolli landbúnaðarvéla, og sömuleiðis voru lækkaðir tollar á ýmsum tækjum og vélum til fiskveiða. Hins vegar var að svo stöddu ekki talið fært að lækka toll á vélum almennt frá því, sem verið hafði. Í nýju tollskránni er yfirleitt 35% tollur á vélum og tækjum öðrum en þeim, sem notuð eru við fiskveiðar og landbúnað.

Ráðuneytið telur nú tímabært, að kannaðir verði möguleikar á því, að tollar á vélum og tækjum verði lækkaðir, og er tollskrárnefnd hér með falið að gera þá athugun samkvæmt því, er hér segir:

1. Athuga þarf, hvort og þá að hve miklu leyti sé framkvæmanlegt að ákveða tolla á vélum og tækjum til vinnslu útflutningsafurða lægri en er á vélum og tækjum til annarra nota. Áætla mundi þurfa tekjumissi ríkissjóðs, ef til slíks kæmi.
2. Athuga þarf, hve mikið það mundi kosta ríkissjóð, ef lækkaðir yrðu tollar á vinnuvélum og öðrum tækjum þess iðnaðar, sem framleiðir vörur og veitir þjónustu fyrir innlendan markað. Í því sambandi verði athugað, hvort framkvæmanlegt sé, að takmarka tollalækkun við slíkar vélar og tæki, eða hvort óhjákvæmilegt sé að láta hana einnig taka til annarra véla og tækja, og þá hverra. — Þessu ætti að fylgja áætlun um áhrif slíkra ráðstafana á fjárhagslega afkomu ríkissjóðs.
3. Athuga þarf aðrar hliðar þessa máls, svo sem hvaða aðrar breytingar kynni að þurfa að gera á tollskránni, ef tollar á vélum og tækjum yrðu lækkaðir,

sbr. það, sem segir í liðum 1. og 2., og hverjar yrðu fjárhagslegar afleiðingar slíks fyrir ríkissjóð. Í þessu sambandi mundi einnig þurfa að athuga áhrif lækkunar vélatolla á samkeppnisaðstöðu innlendra vélarframleiðenda.

Ráðuneytið leggur áherzlu á, að nefndin hraði athugun sinni á þessu máli eins og frekast er kostur.“

Í samræmi við bréf þetta hófst tollskrárnefnd handa um undirbúning að athugunum þeim, sem bréfið gerir ráð fyrir, og hefur skilað frv. því, sem hér er lagt fram. Meginbreytingin, sem frv. hefur í för með sér, er lækkun tolla af vélum, sem nú eru yfirleitt 35%, þannig að tollar af almennum iðnaðarvélum verði 25%, en 10% af vélum og tækjum til vinnslu útflutningsafurða, öðrum en þeim vélum, sem jafnframt eru framleiddar í landinu. Af þeim verði tollur 15%. Í frv. eru einnig nokkrar tæknilegar leiðréttingar og staðfestingar á eldri úrskurðum. Að öðru leyti vísast til athugasemda við hinar einstöku breytingartillögur.

Um 1. gr.

1.—5. Með auglýsingu fjármálaráðuneytisins, dags. 30. nóv. 1963, var tollur af nokkrum vörutegundum lækkaður með heimild í 6. tl. 3. gr. tollskrárlaga, og standa lækkanir þessar í sambandi við milliríkjasamning við Bandaríkin frá árinu 1943. Þar eð sýnt þykir, að lækkun þessi muni verða varanleg, þykir rétt að taka breytinguna inn í frv., þannig að viðkomandi vörur standi í lögum með rétta tollprósentu. Vörur þær, sem hér um ræðir, eru rúsinur, ný epli og perur, sveskjur, sojabaunaolía og baðmullarfræsolia.

6. Lagt er til að lækka toll af nougatmassa í 10 kg blokkum og stærri úr 125% í 70% til samræmis við möndlumassa í nr. 17.04 02.

7.—8. Vörur þær, sem hér um ræðir, sem eru neyzluvörur úr uppbólgnuðu eða steiktu korni eða kornvörum, og ávaxtasafi, voru lækkaðar með áður nefndri auglýsingu fjármálaráðuneytisins, dags. 30. nóv. 1963, og stóð sú breyting einnig í sambandi við milliríkjasamning við Bandaríkin frá 1943.

9. Kornvara, sem að einhverju leyti er tilreidd, telst til þessa númers í tollskrá með 100% tolli. Þar eð kornvara er almennt tollfrjáls, þykir rétt að lækka toll af hálftilreiddum kornvörum niður í 50%.

10. Lagt er til, að búin verði til tvö ný númer undir þessum lið, þ. e. fyrir mjólkurumbúðir úr plasti með 20% tolli til samræmis við toll af mjólkurflöskum úr gleri í nr. 70.10 01. Einnig er búið til nýtt númer fyrir ýmsan smávarning úr plasti með 70% tolli til samræmis við hliðstæðar vörur úr ódýrum málm í nr. 83.02 00. Plastvörur þessar hafa verið með 100% tolli.

11. Lagt er til að skipta þessu númeri og búa til nýtt númer fyrir gólfteppi úr plasti án vefnaðar með 60% tolli. Önnur gólfteppi verða áfram með óbreyttum 90% tolli.

12. Með auglýsingu fjármálaráðuneytisins, dags. 8. ágúst 1964, var tollur af vaðstígvélum með lágum hæl lækkaður úr 35% í 25% vegna áðurgreinds milliríkjasamnings við Bandaríkin. Þar eð sýnt þykir, að lækkun þessi muni standa til fram-búðar, er lagt til, að breytingin verði tekin í frumvarpið og varan standi í tollskrárlögum með 25% tolli.

13. Hér er lagt til að taka inn nýtt númer fyrir tanka úr ryðfriú stáli sérstaklega gerða fyrir mjólk, og lækkar þá tollur af vöru þessari úr 50% í 25%.

14. Hér er lagt til að lækka toll af ýmiss konar keðjum, sem mikið eru notaðar við vélar, úr 60% í 35% toll.

15. Aðalbreytingarnar, sem frv. þetta hefur í för með sér, verða á 84. kafla tollskrárinnar (Vélaflanum). Er því kaflinn allur tekinn inn í frv., þó að nokkur númer hans séu óbreytt frá gildandi lögum. Í gildandi tollskrárlögum er yfirleitt 35% tollur á vélum og tækjum öðrum en þeim, sem notuð eru við fiskveiðar og landbúnað. Frumvarp þetta gerir ráð fyrir, að tollur af almennum iðnaðarvélum

lækki í 25%, en í 10% af vélum og tækjum til vinnslu útflutningsafurða, öðrum en þeim vélum, sem jafnframt eru framleiddar í landinu. Af þeim verði tollur 15%. Þó er gert ráð fyrir, að sildardætur lækki í 4% toll til samræmis við toll af kraftblökkum. Iðnaðarvélar, sem bera nú 50% toll og hærri, sem lækkinin nær til, eru lækkaðar í 35% toll. Hagstofan hefur áætlað tekjutap ríkissjóðs vegna tollalækkana á vélum sem næst 25 milljón krónur á ári miðað við innflutning ársins 1963.

Svo sem kunnugt er, eru allmargar af vélum þeim og tækjum, sem frumvarp þetta tekur til, framleiddar hér í landinu, og hefur því verið ákveðið að endurgreiða tolla af efni í vélar og tæki, sem framleidd eru innanlands, þegar svo er ástatt, að efnið í vélarnar er með hærri tolli en vélarnar sjálfar. Í 12. lið 3. gr. tollskrárlaga er heimild til endurgreiðslu gjalda í slíkum tilfellum.

16. Lagt er til að lækka toll af rafbræðslu- og hitunarofnum til notkunar í iðnaði úr 35% í 25%.

17. Lagt er til, að tollur af vögnum með hreyfli þeirrar gerðar, sem notaðir eru í verksmiðjum, vörugeymslum og við hafnir til flutninga stuttar vegalengdir, lækki úr 45% í 25%.

Um 2. gr.

Gert er ráð fyrir að fjölga tölu þeirra bifreiða, sem ráðuneytið hefur heimild til að lækka gjöld af árlega fyrir lamað og fatlað fólk, úr 150 í 250. Þá er tekin inn heimild fyrir ráðuneytið til að veita lækku eða eftirgjöf á gjöldum af allt að 50 bifreiðum árlega, fyrir sama fólk, til endurveitinga áður veittum eftirgjöfum.

Þá er lagt til, að í 3. gr. tollskrárlaga verði tekin inn ný heimild, til þess að endurgreiða gjöld af rúmum, sem ekki eru með mekanískum útbúnaði, en sem flutt eru inn til notkunar í sjúkrahúsum, sem svari því, að af rúmum þessum sé greiddur 35% verðtollur. Sjúkrarúm, með mekanískum útbúnaði, eru nú með 35% tolli, en rúm, sem ekki eru með mekanískum útbúnaði, teljast til nr. 94.03 í tollskrá með 90% tolli.

Um 3. gr.

Þar sem nú liggur fyrir Alþingi frumvarp um almenna útgáfu nafnskirteina, og Hagstofan er að undirbúa tillögur um stofnun fyrirtækjaskrár, þykir rétt, að fyrir hendi sé heimild til að mæla svo fyrir, að innflytjendur skuli ávallt tilgreina númer sitt á aðflutningskýrslu. Mundi tollstjórnaskrifstofan í Reykjavík nota númer þetta sem almennt viðskiptamannanúmer, þegar hún fer að nota vélar til tollútreiknings, og auk þess mundu verða mikil not af númerinu við hagskýrslugerð og í sambandi við starfrækslu fyrirtækjaskrár.